



*The Office Of The Principal and Vice - Chancellor*

**SOLWATI M MAKHANYA, PHRINSIPHALI NELISEKELA  
LASHANSELA**

**INYUVESI YASENINGIZIMU  
AFRIKA**

**INKHULUMO YEKWEMUKELA NEKUVULA: KWETFULWA KWELIVIKI**

**LELUCWALINGO NEKUCAMBA LOKUSHA**

**26 Indlovana – 2 Indlovulenkhulu 2018: *Lucwalisngo lwekusimamisa  
likusasa letfu***

- Mphatsiluhlelo, Dkt. Meiya Nthoesane, Libambelamcondzisi, Unisa Press
- Dkt. Daisy Selematsela, Libambela leLisekela laPhrinsiphali: Tifundvo Telucwalingo Tangemuva Kwekuphotfula Kwekucala Kucamba Lokusha neKutsengisa, e-Unisa
- Bosophaneli betfu labahloniphekile, tikhulumi letitivakashi nebetfuli:
  - Dkt. David Green, Umcondzisi: Luhlelo Lwemitfombolusiti Ledijithali, Taylor naFrancis: “Kutfufukisa lucwalingo lwaseNingizimu Afrika nemfundzate kulucwalingo lwemave emhlaba”

- Solwati Ihron Rensburg, lobekadze aLisekela laShansela naPhrinsiphali weNyuvesi yaseJohannesburg: “Likusasa – ngekweluhlangotsi lwetetemfundvo”
  
- Mk. Tina Eboka, Licembu MD: I-NTP Radioisotopes SOC Ltd, luphiko lwekusita lwe-Necsa ngalokuphelele (Inhlangano YaseNingizimu Afrika Yemandla Enozi): “Indlela lengahanjwa kakhulu lesuka kutelucwalingo iye kutekucamba lokusha nekusimama”
  
- Mk. Chantell Ilbury, umchubi, cwepheshe, sikhulumi, Umfundzisi, umbhali tincwadzi takhe letihamba embili ekutsengisweni nalobekangusomabhizinisi: “*Growing foxes: tingucuko tetemfundvo letinemandla!*”
  
- Mk. Dudu Nkosi, Libambela leMcondzisi Lomkhulu: Luphiko Lwetemisebenti Yemtapolwati
  - Malunga eMkhandlu lakhona lapha
  - Malunga esigungu lesiphetse nebaphatsi labengetiwe labakhona lapha
  - Balingani ngekwemsebenti labavela kulamanye emagatja alesikhungo
  - Tisebenti tase-Unisa letibafundzisi naletingesito bafundzisi

- Titjudeni  
tase-Unisa
- Labatsintsekako besikhungo  
setfu
- Tivakashi letikhetsekile, nine bekunene

Sinemukela ngaletifutfumele kuLiviki leLucwalingo neKucamba Lokusha le-Unisa. Kulomnyaka sigubha umkhosi wesikhombisa weliviki lelucwalingo nekucamba lokusha, kujabulisa kakhulu futsi kubona kutsi lomkhosi wemnyaka wekucamba lokusha nalovula indlela uloku ukhomba indlela futsi ulinganisa imikhosi emkhakheni wetfu nasemmangweni, ikakhulu ngoba iphatselene nekugucuka kwayo kanye nendzima lebalulekile lefanele kutsi idlalwe lucwalingo ekukhombeni indlela nasekuchubeni leyo ajenda.

Kuleminyaka lesikhombisa leyendlulile, umsebenti wetfu welucwalingo bewuloku uphokophele ngemandla kukhulisa telucwalingo nebacwalingi betfu kutsi ube sikhungo lesenta kahle kakhulu lokutawufaka sandla ngalokwakhako – futsi, lokubaluleke kakhulu, indlela *lefundzisako* – ekugcileni kulucwalingo netento letitawufaka sandla ekusimameni kwelikusasa letfu: labo base-Unisa, kanye nalabo belive letfu nelivekati letfu, konkhe lokuhambisana nembononchanti wesikhungo setfu wenyuvesi *lowakha likusasa* ekusebenteleni bantfu.

Ingcikitsi yetfu yaleliviki lwelucwalingo itsi "Lucwalingo lwekusimamisa likusasa letfu," futsi imiselwe esakhiweni lesicinile lesendlalwe tingcikitsi letengcile kucinisekisa kuchubeka kwemklamo wetfu welucwalingo nekubumbana kwetinkhulumo lesifanele kutsi sitibambe.

Kulomnyaka tivakashi tetfu letitikhulumi tiniketa loko mhlawumbe lokubufakazi lobucinile bekwehlukahlukana kutelucwalingo kuvelonkhe nakumave emhlaba, lenginisinisekisa kutsi kukhonjiswa ngalokulinganako kutemfundvo nekufundzisa. Ngiyati kutsi letinkhulumo leti tiyachubeka kulo lonkhe lelivekati, nasemaveni emhlaba, njengesichumanisi lesilunchungechunge setinsayeya tenhlalo letihlangene letilukhuni, temnotfo netepolitiki, kungalingani lokukhulu ngekwetenhlo, kuhamba kwebantfu ngebunyenti, kanye nekubhidlika kwendzawo yetemfundvo yesintfu lephakeme kwenta kutsi kubanjwe lucwalingo lolungasilo lwekutfufukisa ngalokuphelele kuphela futsi/noma lolugcile ku-STEM. Kunekutfokota lokukhulako kwesidzingo lesiphutfumako selucwalingo lwesayensi yetenhlo neyebantfu lolutawusita ekusombululeni letinkinga letikhulako. Kutfokotisa ngalokwecile – futsi, njengemuntfu lofundze ngemmango nekutiphatsa kwebantfu kutenhlalo, angisho nje ngitsi kuyawutfokotisa umphefumulo – kubona kukhula kwelucwalingo kulomkhakha, lebewuloku unganakwa ngemave emhlaba. Nembala, kuyangijabulisa kubona lesifinyeto seligama letsi STEM kutsi manje sesikhulisiwe saba ngu-STEAM ngekutsi kufakwe luhlavu A, lolumelele *i-Arts* (temasiko) emcondvweni wato lobanti, njengoba lona ngumkhakha lobalulekile

lofuna kutsi siwunake ngalokuphelele.

Ngako-ke ngifanele kutsi ngihalalisele Dkt. Selematsela nalabo lesisebenta nabo emkhakheni weTelucwalingo, Tifundvo Talasebaphotfulile, Tekucamba lokusha neKutsengisa ngekutsi bahlanganise luhlelo lolukhulu lolucinisekile kutsi lutawufaka ekhatsi umkhakha wetfu wetelucwalingo lowehlukahlukene.

Tivakashi letihloniphekile, nine bekunene, tingucuko temphucuko yebantfu tibangelwe taphindze futsi tabunjwa kufuna kwati kwebantfu. *Sidzingo setfu sekufuna kwati* sihlala njalo sehlula kwesaba intfo lengatiwa, nemoya wetfu wekucamba nekwakha lokusha nawo ngalokufananako wente siciniseko sekutsi linyenti laloko lesikufundzile kutfutukise bantfu kwaphindze futsi kwabaphumelelisa – ekusimameni kwetfu njengebantfu nanjengepulanethi. Lapho khona leligama lelitsi Ingcucuko Yetimboni Yesine lingundzabamlonyeni nako konkhe loko lelihambisana nako litfolo kunakwa ngemave emhlaba, tsine silapha eluphikweni lolusentasi kakhulu ne-Afrika silwa timphi tetfu tetingucuko, tekukhula, netentfutuko – lekungenteka kutsi tingevakala noma tingevakali kumihibahiba yeNgucuko Yetimboni Yesine. Sifundzile, futsi sisachubeka nekufundza kutsi nanome nje "kute indvodza [noma make] longema yedwana njengesihlahla," nanoma kunjalo siyamenywa kutsi siyosebenta ngekhati emkhakheni wetfu, ngalesinye sikhatsi sitfutukise lucwalingo nekwenta tintfo letinsha letifanele kutsi tentiwe lokungenteka kutsi tiphikisana naletfo

temave emhlaba. Sifanele kutsi sitetsembe uma senta loko, kanye nekutsi sitsatse indzawo yetfu.

Loku kuyafaneleka kakhulu nakubukwa letinkhulumomphikiswano letichubekako kwamanje letimayelana nelwati loluhamba embili kanye nemtselela walo lochubekako kanye nekwengamela kwemfundvo lephakeme netindlela tekwenta, ikakhulu tindlela tekwenta lucwalingo lwetfu. Ekubambeni tinkhulumomphikiswano, sitawube sengenta enchubeni yekutitfolo wena lucobo lwakho ungumuntfu kanye nekutinikela lokuphatselene netindzaba letiya ngco emongweni wekutsi kusho kutsi kuba ngumuntfu wase-Afrika.

Kwephetsa, balingani bami ngekwemsebenti, nine bekunene, mhlawumbe liphutu lesingatsi kucabanga ngalo: kulesimondzawo samanje setepolitiki lesime mantontolwane nalesivusa imiva kunengoti mbamba yekubanjwa ngumkhuba wekutfufukisa buciko bekukhuluma nekwenta ticubulo letivamise kufaka ekhatsi kukhuluma lokungwingwilitako, lokulahlako lokucondziswe kubaholi labanyenti labahlukahlukene. Ningalenti liphutsa, sisibona ngalokuphelele sidzingo sekuba netindzawo etikhungweni tetfu tako ngco kwetfula imiva yakho ngemlomo ngemandla. Ngiyatetsembe kutsi i-Unisa inato leto tidzawo. Liviki lelucwalingo lingulenyeye yato.

Nanoma kunjalo, asingakhohlwa kubona lucwalingo lolubalulekile lolwentiwa lubuye futsi lukhicitwe khona lapha kulenyuvesi nakulemanyane emagatja etikhungo tetfu lapha nakuletinye tindzawo

kulelivekati *khona manje*, lekutsi ngalesinye sikhatsi kuvele nje emsindvweni lowenta kutsi kungeviwana. Uma ngabe sicaphela indzawo yetfu ngekweliciniso kantsi futsi sitinikele mbamba etfutukiseni lucwalingo ngenhloso yekuba nemanuyvesi ase-Afrika lanetingucuko, nalangakagwamandvwa, emandla etfu-ke afanele kutsi acondziswe ngalokulinganako ekuvumbululeni, ekukhangiseni kanye nasekwabelaneni ngalama-athikili, tishicilelwa nalokunye lokwentiwe ngulabanye bafundzi betfu base-Afrika.

Ngako-ke, lapho nilungiselela kutfokotela leliviki, mhlawumbe ngingakhutsata sonkhe kutsi sicabange ngekutsi i-Unisa, lekunguyona inemtapolwati lomkhulukati kulencenye lesentasi neningizimu Afrika, ingacala kanjani kugcogca, ifake kumakhathalogi iphindze futsi ikhangise imisebenti yebacwalingi betfu lemayelana naletindzaba letibaluleke kangaka, nekutsi tisebenti tetfu tetemfundvo tingasitana kanjani ngekusebentisa nekucaphuna ekuhleleni kabusha ikharikhulamu yabo naselucwalingweni lwabo, kufaka ekhatsi nalapho betfula tinkhulumo etikhomfeni nasetingcungcutseleni.

Enkhulumeni yetfu yekuvula tifundvo kulomnyaka ngikhulume ngesidzingo setfu njengenyuvesi kutsi siyekele *kukhuluma* nje kuphela ngetingucuko *kepha sitente mbamba* letingucuko. Lucwalingo nekwenta tintfo letinsha kungaba futsi kufanele kube sibonelo lesihamba embili saloko kutimisela. Sifanele kutsi ngabe sitfutukisa lucwalingo lwetfu futsi sesekela bacwalingi betfu.

Emanyuvesi atiwa ngekutsi yimibhoshongo yelitinyo lendlovu, letimele yodvwa le khashane lengakahlobani ndzawo naloko lokwenteka emimangweni layisebentelako, kungako-ke simenywa kutsi sikhombise ngalokungenakuphikiswa kutsi ecinisweni loku akusilo liciniso. Lucwalingo nekwenta lokusha kufanele kutsi kususwe lesimo sekwentiwa sengatsi yintfo lengakholweki kute kuvumele kuhlanyela lokubanti, futsi tikhungo telwati tifanele kutsi tibe nemandla futsi titsatse tinyatselo leticinile tekufaka umtselela kutentfutfuko naku-ajenda yenchubomgomo kute kusitakale ummango nemhlaba jikelele.

Nginifisela tingcoco letiyimphumelelo, letenta ingcondvo kutsi icabange naletifakana umdlandla kulelivi lapho khona sigubha umkhosi welucwalingo nekucamba lokusha e-Unisa.

Ngiyanibonga